

Cumegn da Surses



**Lescha
davart igl adiever da fis artificials**

Cuntign

Pagina

I. Determinaziuns generalas	
Art. 1 – Egalitad dallas schlattagnas	3
Art. 2 – Scopo	3
Art. 3 – Survigilaziun, execuziun	3
Art. 4 – Dretg resalvo	3
Art. 5 – Ordinaziuns generalas	3
Art. 6 – Noziuns	3
II. Ordinaziuns davart igl adiever da fis artificialas	
Art. 7 – Scumond da fis artificialas	3
Art. 8 – Excepziuns cun obligaziun da concessiun	4
III. Taxas, controlla	
Art. 9 – Concessiuns	4
Art. 10 – Taxas per concessiuns	4
Art. 11 – Meds legals	4
IV. Disposiziuns penalas	
Art. 12 – Cuntravenziuns	4
V. Disposiziuns finalas	
Art. 13 – Antrada an vigour	5

La lescha preschainta vign relascheda a basa digls artetgels 8a e 17 dalla lescha federala davart materials explosivs; digl art. 3, art. 8 ed art. 11 dalla lescha davart la protecziun preventiva cunter incendis ed igls fatgs da pumiers aint igl cantun Grischun (lescha davart la protecziun cunter incendis; DG 840.100); digl art. 5, art. 79 ed art. 81 scu er art. 37 dalla lescha da cumegn digl cantun Grischun (DG 175.050).

I. Ordinaziuns generalas

Egualitad dallas
schlattagnas

Art. 1

Denominaziuns da persungas, funcziuns e professiuns ainten chella lescha sa refereschan a tot las schlattagnas, schinavant tgi sa resulta navot oter digl senn dalla lescha.

Scopo

Art. 2

La lescha preschainta serva a mantigneir igl pôss ed igl urden e regla surtot igl arder fis artificials sen igl territori digl cumegn da Surses.

Survigilanza, execuziun

Art. 3

¹ La suprastanza communal è responsabla per la survegilanza e l'execuziun dalla lescha davart igl adiever da fis artificials, part da chegl è er l'obligaziun d'infurmaziun correspondent.

² La suprastanza communal pò delegar l'execuziun dalla lescha u pensums singuls alla direcziun communal u a funcziunaris communal.

Dretg resalvo

Art. 4

Igl dretg surordino resta expressivamaintg resalvo.

Ordinaziuns
generalas

Art. 5

Igl è scumando da disturbar igl pôss public, igl urden e la siertad u da periclitar la siertad da carstgangs, ambiant e possess. Igl è scumando surtot da mulestar, far strameir u da metter an priewel persungas ed animals cun arder fis artificials.

Noziuns

Art. 6

Scu objects pirotecnics e fis artificials valan igls objects pirotecnics e fis artificials tenor la lescha federala davart materials explosivs e las disposiziuns executivas cun annexas tgi èn an vigour.

II. Ordinaziuns davart igl adiever da fis artificials

Scumond da fis artificials

Art. 7

¹ Cun la resalva digl art. 8 ègl scumando dad arder objects pirotecnics da tot gener (fis artificials) e da lascher sgular gliternas da tschiel sen igl territori digl cumegn.

² Schinavant tgi na vignan produtgias nigns effects da canera spezials èn exclus digl scumond da fis artificials: fis artificials da meisa, sbrenzlas, fis bengals, gleischs romanas, vulcans, tizungs, shows da fi.

Excepziuns cun obligaziun da lubientscha

Art. 8

¹ Sen dumonda correspondentia ed ancunter paiamaint pò la suprastanza communal conceder lubientschas excepziunalas per occurrenzas spezialas.

² La suprastanza communal pò fixar ulteriouras cundiziuns an connex cun la lubientscha: an spezial da far ena sieranza da responsabladad, da deponer ena prestaziun da garanzeia per costs da rumageda, da risguardar igls taimps da pôss, da surpiglier igls costs per allontanar las tschuffargnedas u igls donns caschunos digls fis artifiziels.

III. Taxas, controlla

lubientschas

Art. 9

¹ La dumonda per ena lubientscha agl senn digl art. 8 stò neir inoltrada an scretg alla suprastanza communal, per regla 30 deis avant l'occurrenza planisada.

² Ena lubientscha concedeida pò neir retratga sainza indemnisaziun, schi las cundiziuns stipuladas vignan betg risguardadas u schi dat contestaziuns mutivadas.

Taxas per lubientschas

Art. 10

¹ Per la lubientscha aint igl rom d'evenimaints ed occurrenzas vign pretandeida digl petent ena taxa da CHF 150.00 anfignen CHF 500.00.

² Igl import dallas taxas dependa digl coz digl tractamaint, dalla lavour da controllar e dalla dirada e grondezza digl fi artifizial.

³ La taxa stò neir paeda avant tgi far igl fi artifizial.

⁴ Schi las premissas per far fis artifiziels èn - sainza colpa digl petent - betg ple dadas (p.ex. a basa d'en decret da scumond communal u cantunal perveia da priewel d'arsa da gôt etc.) exista igl dretg da restituziun dalla taxa da lubientscha.

Meds legals

Art. 11

Disposiziuns dalla suprastanza communal pon neir contestadas ainfer 30 deis siva dalla comunicaziun cun far recurs alla dertgira digl cantun Grischun.

IV. Disposiziuns penelas

Cuntravenziuns

Art. 12

¹ Cuntravenziuns allas disposiziuns communalas vignan puneidas dalla suprastanza communal tenor lescha cun multas da CHF 300.00 anfignen CHF 800.00, tot tenor colpa, ed an cass da repetiziun anfignen CHF 10'000.00 tenor art. 106 digl codesch penal svizzer (CP/StGB).

² An levs cass ins pò admuneir anstagl da dar ena multa.

³ Resalvos restan cass tgi èn smanatscheas digl dretg federal u cantunal cun castei.

V. Determinaziuns finalas

Art. 13

Antrada an vigour

Chesta lescha vo an vigour cun l'approvaziun antras la radunanza communal per data digl conclus.

Approvo dalla radunanza communal digls [REDACTED] .

Per la suprastanza communal Surses

Igl mastral:

Igl scrivant da cumeegn:

.....
Leo Thomann

.....
Beat Jenal